



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ODLUKA

**O DAVANJU SAGLASNOSTI ZA POTPISIVANJE SPORAZUMA SA KJKP „RAD“
D.O.O. SARAJEVO O FINANSIRANJU, NABAVCI I POSTAVLJANJU KORPI ZA SITNI
ULIČNI OTPAD ZA POTREBE ČETIRI GRADSKE OPĆINE
(Prijedlog)**

Predlagač: Gradonačelnica

Obrađivač: Stručna služba gradonačelnice
Grada Sarajeva

Sarajevo, oktobar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), Gradsko vijeće Grada na sjednici održanoj dana __.__.2021. godine, donijelo je

(prijedlog)

Odluku

o davanju saglasnosti za potpisivanje Sporazuma sa KJKP „Rad“ d.o.o. Sarajevo o finansiranju, nabavci i postavljanju korpi za sitni ulični otpad za potrebe četiri gradske općine

Član 1.

Ovom odlukom Gradsko vijeće Grada Sarajeva daje saglasnost gradonačelnici Grada Sarajeva za potpisivanje Sporazuma sa KJKP „Rad“ d.o.o. Sarajevo o finansiranju, nabavci i postavljanju korpi za sitni ulični otpad za potrebe četiri (4) gradske općine.

Član 2.

Sredstva za realizaciju projekta u iznosu od 32.526,00 KM obezbjedit će se Budžetu Grada Sarajeva za 2021. godinu, na budžetskoj poziciji 615-400 – nabavka korpi za sitni ulični otpad za četiri (4) gradske općine – KJKP „Rad“ d.o.o. Sarajevo.

Član 3.

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo:

O b r a z l o ž e n j e

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), kojim je propisano da Gradsko vijeće donosi odluke, druge propise i opće akte i daje njihovo tumačenje.

RAZLOZI DONOŠENJA

Gradska služba za urbano planiranje, investicijske, stambene i komunalne poslove, na osnovu sačinjenih analiza u oblasti komunalnih djelatnosti, sačinjenih po uputama gradonačelnice Grada Sarajeva, utvrdila je evidentan nedostatak korpi za odlaganje smeća, što za posljedicu ima bacanje otpadaka i na mjestima koja nisu predviđena za te svrhe. Prethodno je razlogom stvaranja ukupne slike Grada kao nedovoljno čistog i vrlo često, na pojedinim mjestima, zatrpanim otpadnim smećem i drugim ostacima.

Navedeno je za svoju direktnu posljedicu imalo ostvarivanje određenih kontakata sa ovlaštenim u KJKP „Rad“ d.o.o. Sarajevo, sve u cilju iznalaženja konkretnih rješenja koja se ogledaju u potrebi nabavke i postavljanja korpi na određenim ključnim lokacijama u Gradu, i to ukupno 140 korpi, od čega 65 korpi od 42 l sa pepeljarom i 75 korpi od 60 l.

Korpe bi bile raspoređene po općinama na sljedeći način:

- Općina Stari Grad Sarajevo: 15 korpi od 42 l i 20 korpi od 60 l;
- Općina Centar Sarajevo: 25 korpi od 42 l i 15 korpi od 15 l;
- Općina Novo Sarajevo: 15 korpi od 42 l i 20 korpi od 60 l, i
- Općina Novi Grad Sarajevo: 10 korpi od 42 l i 20 korpi od 60 l.

Raspored postavljanja korpi i potrebe gradskih općina utvrdio je KJKP „Rad“ d.o.o. Sarajevo na osnovu izvršenih analiza i procjena, a koje se nalaze u prilogu.

Interes Grada Sarajeva za uključivanje, odnosno finansiranje ovog projekta je opravdan i koristit će građanima našeg Grada, a ogledat će se u obavezi Grada Sarajeva da osigura novčana sredstva za nabavku korpi u ukupnom iznosu od 32.526,00 KM.

Obaveza KJKP „Rad“ d.o.o. Sarajevo bi bila postavljanje (montaža) korpi, njihovo održavanje i redovno pražnjenje.

Postupak nabavke korpi izvršio bi KJKP „Rad“ i po okončanoj proceduri o ishodu provedenog postupka pismenim izvještajem obavijestio Grad Sarajevo.

FINANSIJSKA SREDSTVA

Za realizaciju Odluke sredstva će biti obezbjeđena u Budžetu Grada Sarajeva za 2021. godinu, na budžetskoj poziciji 615-400 – nabavka korpi za sitni ulični otpad za četiri gradske općine – KJKP „Rad“.

